

黃氏逸書考



卷之五



子史鈎沈

逸書考

董勛問禮俗

甘泉黃奭學

海西令問于董勛曰俗有歲首酌

初學記椒作視

酒而飲之者何也勛答曰歲首用椒酒以椒性芬香又堪爲藥故飲之亦一時之禮故此日採椒花以貢尊者又折松枝于戶男七女二七亦同此義

又問董勛曰俗人正日飲酒先從小者何也勛答曰俗以小者得歲先酒賀之老者失歲

故後與酒罰之然則從小起意在於斯乎

魏時人問議郎董勛曰今正臘旦門前作烟

火桃神絞索松柏殺鷄著門戶逐疫禮乎勛

答曰禮十二月索室逐疫疊門戶磔雞燹火

行故作助行氣桃鬼所惡畫作人首可以有

所收縛不死之祥

董勛答問曰俗以正月一日爲雞二日爲狗

三日爲羊四日爲猪

北史魏收傳引作三
日爲猪四日爲羊五

日爲牛六日爲馬七日爲人

類聚引此下以
云八日爲穀

陰晴爲豐耗正旦畫雞于門七日帖人於帳

一作鏤人於金簿

今一日不殺雞二日不殺狗三日

不殺羊四日不殺猪五日不殺牛六日不殺

馬七日不行刑亦此義也古乃磔雞今則不

殺荆人于此日向辰門前呼牛馬雞畜

荆楚歲時

記作牛羊雞畜

令來乃置粟豆于灰散之宅內云以

招牛馬未知所出也

並御覽

董勛答問曰正月一日造勝華以相遺象瑞

圖金勝之形又象西王母正月七日戴勝見

武帝于承董殿也

董勛答問曰人曰鏤金薄爲人

初學記曰此云人曰俗剪

絲爲人形

以貼屏風戴于頭髮起自晉代賈充妻

李氏夫人云俗人入新年形容改舊從新也

並歲華

紀麗

或問董勛曰俗五月不上屋云五月人或上屋見影魂便去勛答曰蓋秦始皇自爲之禁夏不得行漢魏未改案月令仲夏可以居高明可以遠眺望可以升山陵可以處臺榭鄭

玄以爲順陽在上也今云不得上屋正與禮
反敬叔云見小兒死而禁暴席何以異此乎
俗人月諱何代無之但當矯之歸于正耳

荆楚

歲時

記

董勛答問曰五月俗稱惡月俗多六齋放生

案月令仲夏陰陽交死生分君子齋戒正聲

色禁嗜慾

初學記

或問董勛曰七月七日爲良日飲食不同於
古何也勛答曰七月黍熟七日爲陽數故以

麋爲珍今北人唯設湯餅無復有麋矣

董勛答問曰翼屏風人持隨喪車前後左右

也

並御覽

董勛答禮曰職高者名錄在上於人爲右職卑者名錄在下於人爲左是以職下遷爲左

史記索隱

董勛答或人問曰已在遠聞喪除服乃歸至家之禮云何勛案奔喪禮若除服而後歸先之墓斂髮袒經不制麤衣及杖也哭盡哀遂

除於墓歸不哭也家人待之如常不變服也
自齊縗以下至墓哭盡哀而歸若服未除而
歸不及殯先至墓及歸斂法如今人椎髻以
麻爲慘頭免以布闊一寸或問已在遠初不
聞喪或日月已過乃聞或至家乃聞其禮云
何勛按奔喪禮不及殯先至墓乃成服檀弓
曰小功不稅稅者喪與服不相當之言也小
功總麻在遠聞喪服制已遵但舉哀而已不
復追服也大功以上聞喪日爲始不計死者

之日數也。若兄弟及從父兄弟大功以上，降
總麻小功者，雖日月已過，乃以闕日爲服制。
亦不計初死之日數，以本親重也。

通典

蔡南問：就鑒度云：王道陵遲，何謂陵遲？董勛
答曰：舒疾有節，禮云喪事雖遠，不陵節。是王
道越於遲節，言教不行也。

匡謬正俗

子史鈎沈

逸書考

唐明皇月令注解

甘泉黃奭學

集賢院學士

正月之節日在虛

立春爲正月之節謹案春秋傳曰履端於
始謂節也舉正於中謂氣也歸餘於終謂
閏也既有閏則立春進退不恒在正月朔
日故不定爲孟春之月但得立春則是正
月之節可以行春令矣

御覽
十八

昏昂中曉心中

案張參五經文字昏避廟諱改从氏今據改又案旦改作

竟者避睿

宗諱也

黃昏時昂星正當午位曉時心星正當午

位凡記昏昂曉心中為人君南面而聽天

下觀時候以授人事也日入後二刻半為

昏日未出二刻半為曉也

全上○案汲古閣校本歲華紀

麗一引經正月之節缺之節二字引注脫為人君以下二語

斗建寅位之初

地十有二辰斗柄杓常左旋指地位故立

春正月之節則斗建寅位之初書云噭璣

玉衡以齊七政此之謂矣

御覽全上案噭璣之璣依表

文當改作樞蓋羣臣作表因明皇諱隆基故諱嫌名也今从御覽注

其日甲乙

春秋傳曰天有十日謂甲乙丙丁戊己庚

辛壬癸甲乙屬木主春故云其日甲乙

全上

案唐諱丙注丙當依下經文作景丁

其帝大皞其神句芒

昔太皞氏以木德繼天而王故爲春帝高

辛氏有天下置五行之官木正曰句芒故

句芒爲木神佐太皞於春

全上○事
類賦注

其蟲鱗其音角

謂樂器之聲三分羽益一以生角角數六

十四屬木以其清濁中人象也春氣和則

角聲調

通典樂三
引月令云正月其音角引注作人

案此依鄭注也通典

象不作民卜更接云其二月三月不見
者並在正月他物仿此係唐本無疑

律中大簇

律者候氣之管以竹爲之中猶應也正月

氣至則大族之律應應謂吹灰也大族者
林鐘所生三分益一管長八寸空徑三分

圍九分

全上

其數八其性仁其事貌其味酸其臭羶
其祀戶祭先脾

春陽氣祀戶順陽氣也

事類賦注

立春之日東風解凍後五日蟄蟲始振後五
日魚上冰

昔在周公作時訓定二十四氣辨七十二

候每歲相去各五日以明天時將驗人事

言聖人奉順天時則萬物及節候也

御覽全上

訓定

玉海十二引唐注周公作時二十四氣辨七十二候

天子居青陽左个乘青輅駕蒼龍載青旂衣

青衣服蒼玉食麥與羊其器疏以達

案玉海九十六

言唐注月令十三室各在其辰之上

太史以先立春三日謁於天子曰某日立春

盛德在木天子乃齋

立春之日天子親率公卿諸侯大夫以迎春

於東郊還乃賞公卿諸侯大夫於朝

迎春爲祀青帝靈威仰於東郊以太皞配

以句芒歲星三辰七宿從祀

白帖

命相布德和令行慶施惠下及兆人慶賜遂行無育不當

命太史司天厯候日月星辰宿離不貸無失經紀以初爲常

厯推策也候占候也宿二十八宿也離猶厯也七曜爲經二十八宿爲紀初謂孟春